

光明壇

繪像呂祖八寶救世全書


光明壇刊

風陵文庫

文庫19

F331

/



中華民國十年夏歷辛酉正月

繪像呂祖八寶救世全書

信士弟子

周傳善鼎誥氏
李明正正旺氏

捐刊全募

呂祖八寶救世全書序

世謂仙經始於老子。非也。昔黃帝得陰符。三皇玉訣。脩之而仙者。已開道教之宗。至柱下為關尹子。著道德二篇。多是述而不作。觀於篇中。屢引故聖人。亦則前乎。道德者。歷有明微。惜其經不盡傳。道德而後。文始尚矣。抱朴子讀之一字。一拜。詢純粹以精者也。嗣是而到。子有冲虛之作。蒙莊著南華之篇。蓋津津乎盛矣。然其文義皆幽深。元遠大旨。以無為為宗。後世索解。人正不易得。至於黃庭。內外景金碧古文。龍虎經。極言修煉之功。後之學者。莫不奉為典型。然於無為之旨。已落第二機矣。漢晉以來。代有作者。各自為一家言。甚有道而缺釋者。惟唐呂祖家世儒業。心慕元宗。從正陽

帝君學金液還丹。道成發大誓願度一切眾生。於是遊行宇內。卽以其學之所得者。作爲詠歌。期以覺世。晚遇黃龍祖師。深遠佛理。於西來祖義。靡不融會貫通。固已懸崖撒手。百尺竿頭。更進一步。自是而龍沙顯迹。化現三門神遊宇宙。遍駕慈航。或五陵。或三楚。南顧括蒼。北遊恒岱。雖村夫牧豎。莫不知有。

李佑帝君猗歟盛哉。故其著作八品傳。先聖不傳之秘。五品闡八品。未闡之精。清微參同。會三教於一原。約多學於一貫。至於金丹直指。諸經博綜。元妙敲文。於元緒詠。原本義文。以及醒心開遷善之門。仙讖示悔過之要。斗光以消災危。滌氛而解塵囂。昭昭然若日月之經天。洋洋乎若江河之行地。大無不包。細無不舉。可謂集道藏

之大成。傳千聖之慧燈者也。惜其經文散見之於世。罔有合之者。余侍諸席有年。有志彙纂而示。遂庚申春晤悟道子范如玫。輔道子閻慶福。一見歡然相視。莫逆爰有同心。同敬叩師。真荷蒙許可。遂溯流而上。直抵張垣。邀一二同志。博採遺文。廣搜聖訓。彙爲全書。共訂四卷。於向之疑者正之。闕音缺者補之。登諸廣傳。以壽於世。雖不敢謂闡揚靡遺。然使世之學者。得其一說。深究而力行之。亦可以了脫塵緣。超凡入聖。其於世道人心。豈小補哉。京兆純一子。李行遠謹序。

入壇八戒

一戒口是心非。
三戒邪淫不退。
五戒偷情取巧。
七戒欺師滅祖。

觀書八宜

一宜淨手。
四宜禁酒。
七宜力行。

存心八勉

二宜漱口。
五宜靜觀。
八宜恆久。

二戒始奉終違。
四戒妄語增輝。
六戒左道詐為。
八戒悖矩亂規。

三宜戒煙。
六宜深究。

行善八益

- | | | |
|---------|---------|---------|
| 一 勉親其親。 | 二 勉長其長。 | 三 勉盡其心。 |
| 四 勉除妄想。 | 五 勉尚威儀。 | 六 勉休鹵莽。 |
| 七 勉財不貪。 | 八 勉愧怎當。 | |
-
- | | |
|-------------|-------------|
| 一 益吾心。惡念不生。 | 二 益吾身。邪事不行。 |
| 三 益吾口。佛經常念。 | 四 益吾手。法印常擎。 |
| 五 益吾耳。善教常領。 | 六 益吾目。慧劍雙明。 |
| 七 益吾家。前非皆改。 | 八 益吾鄉。舊染漸更。 |

觀音寶誥

青華聖境。東極上宮。十方化號。渡衆生。百億瑞光。瞻妙相。即隨機而赴感。由誓願以宏深。九色蓮花。作慈航之彼岸。一枝楊柳。灑甘露之法門。無量渡人。大慈仁者。大悲大願。大聖大慈。廣大靈感。觀音大士。太乙尋聲。救苦天尊。



文昌寶誥 應化張仙

桂香內殿。文昌左宮。七十二化之法身。百千萬劫之運數。育嗣天下。演教人間。金彈竹弓隨身。帶孤辰寡宿滅形踪。扶小子而衛通闕。陰閨房而護產難。聰明日益。痘疹滅消。難育者祈之便育。難痊者禱之必痊。

大悲大願。大聖大慈。

九天輔元開化。靈應張仙大帝。七曲毓聖天尊。



武帝讚

忠心義胆氣高強
 志奉真殊振漢綱
 數到終了歸佛境
 英靈萬古渡黎蒼

慕修沐言頌



鍾離祖寶誥 丹成九轉緣悟三生。修大道於終南。得菩提於冀北。搖來羽扇渡蒼生於海底。展此道袍。濟赤子於世中。實大漢之功臣。乃皇清之砥柱。闡明三教。道貫九州。得引蒼聖之家。遂證正覺之道。心懷忠義。貌像慈悲。挽十方之劫運。種萬世之玄機。果證天仙。位列金闕。至仁至孝。有武有文。存忠存義。大慈大悲。金闕上相。正陽帝君。整言覺道貫天尊。



呂祖寶誥 志心歸命禮。玉清內相。金闕選仙。化身
 為三教之師。掌法判五雷之令。黃梁夢覺。忘世
 上之功名。寶劍光輝。掃人間之妖怪。四生六道。
 有感必敷。三界十方。無求不應。黃鶴樓頭。留聖
 蹟。玉清殿內。煉丹砂。存道像於巖祠。顯仙踪於
 雲洞。闡法門之香火。理玄嗣之梯航。大悲大願。
 大聖大慈。開山啟教。靈應祖師。天雷上相。靈寶
 真人。純陽演正。警化孚佑帝君。興行妙道。天尊。




李祖寶誥

正道宏開。修萬年之事業。玄機早覺。得太上之梯航。捨己舍而修身。入他人之巧體。藏形古洞。訪道山巖。手扶鐵錘而乘雲。身背葫蘆而採露。眇一目並非原體。跛一足豈是我身。列入天仙。果成正覺。救當世之愚氓。修從今之寶筏。闡開三教。提攜萬民。至誠至信。有勇有忠。至大至剛。守仁守義。太初玄元。齊陽帝君。道證天尊。



曹祖寶誥

修仙古洞。成道蓬萊。闡三教之規模。成萬年之
 氣象。丹藏於鼎。氣貯於爐。挽百世之狂瀾。救千
 家之大劫。修成正果。得證天仙。醒悟紅塵。解釋
 迷懷。方入道。身歸金闕。頓開心腑。養玄機。至仁
 至聖。大慈大悲。有孝有忠。有因有果。上清上相。
 洪陽帝君。道化天尊。



張祖寶誥

混沌初開。已有吾身。留世界乾坤始定。
 曾闡道教於塵寰。玉笈瓊華。繞蒼巖於古洞。金光
 燦爛。遊赤壁於名山。道傳玄妙於人間。法盡精
 微於宇宙。闡明正理。普化羣黎。騎驢背而遨遊。
 駕鸞身而展教。濟人利物。曾行功德於三江。渡
 困扶危。屢降恩膏於五島。慈悲一片。緣結三生。挽波浪
 之橫流。扶災殃之將覆。大忠大義。大聖大慈。至勇至
 剛。有文有武。普化玄覺。飛陽帝君。闡教明道天尊。



藍祖寶誥

清虛紫府。尋玄妙於雲山。煉就丹砂。種根基於古洞。逍遙世外。快樂天中。濟患難於十方。挽頽靡於五岳。清和朗霽。曾訪道於終南。氤氳風和。乃飛鸞於冀北。濟人利物。賜訓施方。救性命於顛危。挽塵寰於未泯。大仁大孝。大聖大慈。有忠有信。守禮守貞。紫霞聖母。上清真宰。養素元君。

道

德

源

流

卷一

十二

張家口光明仙壇刊



何祖寶誥

採蓮海上。修道山中。煉鉛汞於吾身。修陰陽於自體。坎離水火。憑既濟而功成。子午龍虎。能拴牢而難躍。慈悲救世。曾捨藥而扶人。大願居心。煉玄功而入道。辭家棄世。遇明師而指渡迷津。坐守終南。養精神而得歸正覺。大仁大義。至孝至剛。有慈有悲。克忠克節。攜花清妙。抑揚元君。鍊霞聖母。



韓祖寶誥

虛無飄渺。道成一覺之機。仙霧迢遙。法合萬緣之會。花籃無底。能貯日月乾坤。仙露常凝。得司陰陽水火。仙山訪道。遇明師而功業彌高。海島巡遊。捨恩惠而德行廣被。修因修果。濟人患難之將傾。積德積功。立握顛危而未泯。心存忠孝。頓釋迷情。修得妙妙玄玄。煉就虛虛幻幻。金丹有本。寶筏無邊。果證終南。利益冀北。丹九轉而方成。道三推而始就。至仁至信。有勇有謀。大慈大悲。克文克武。玉清侍節。恆陽帝君。興功警道天尊。

道

德

源

流

卷一

十四

張家口光明仙壇刊



道德源流

大道之傳始於太上老君而盛於呂祖遡其源

少陽帝君得老君之傳者也兩傳而得呂祖

少陽帝君王位甫傳正陽帝君鍾離雲房傳

孚佑帝君孚佑帝君呂純陽傳海蟾帝君劉成宗傳紫陽真

人紫陽真人張伯端傳石杏林真人石杏林真人傳薛紫賢真人

薛紫賢真人傳陳泥丸真人陳泥丸真人傳白紫清真人白紫清

真人傳彭鶴林真人

孚佑帝君又傳重陽帝君重陽帝君王德威傳馬丹陽真人馬丹陽真

人傳宋披雲真人宋披雲真人傳李太虛真人李太虛真人傳張

紫瓊真人張紫瓊真人傳趙緣督真人趙緣督真人傳陳上陽真人陳上陽真人重陽帝君傳邱長春真人劉長生譚長真郝廣寧王玉陽孫清靜仙姑合馬丹陽爲北七真由邱祖起長春又

少陽帝君正陽帝君孚佑帝君海蟾帝君重陽帝君爲南五祖張紫陽真人又傳劉永年合石杏林薛紫賢陳泥丸白紫清彭鶴林真人爲南七真南北宗派兩宗皆

呂祖法嗣猗與盛哉從此口訣未授於世今復降於此

少陽帝君王位甫既東華帝君隱崑崙著黃庭經

正陽帝君姓鍾離名權字雲房京兆咸陽人仕漢爲將軍居隱晉州羊角山著有破迷正道歌

孚佑帝君本姓李名珏字伯玉唐宗室有四子因避亂拋子携妻入山更名姓呂名崑字洞賓河南蒲阪縣人飛鸞顯化之始

海蟾帝君姓劉名操字成宗燕山人仕遼爲宰相遁迹於終南太華之間著有還丹破迷歌

張紫陽名用成字平叔天台人著悟真篇

石杏林名泰字得之常州人著還元篇

薛紫陽名道光字道源鶴足人著悟真直指

陳泥丸名楠字南木號翠虛博羅人著翠虛妙悟全集

白紫清本姓葛名長庚瓊州人隱武夷山所著上清武夷二集

彭海林名耜字季益三山人隱居鶴林著道闡元樞歌

劉永年名廣益號順理既白龍洞道人紫陽化度七年劉仍晤於王屋山在虎邱成道劉永年又傳於翁象川名葆光註悟真篇坊本誤爲

薛道光註

重陽帝君姓王名嘉音喜字知名號得威咸陽人著有全真前後集

韜光集雲中集分梨十花說歌

馬丹陽名鈺音欲字位寶金寧海州人著金玉漸悟行化成道圖成

精微六集及語錄一集

宋披雲名有道字德芳號黃房公沔陽人

李太虛名珏音覺字雙玉崇慶人入青城山

張紫瓊名模字君範饒州人

趙緣督名友欽饒郡人爲趙宗子作仙佛同源文金丹難問等書

陳上陽名致虛字觀悟元至順間人有悟真篇註解

邱長春名處機字通密金登州人著磻溪明道集西遊記

劉長生名處位字通妙金東萊人有仙樂太虛盤陽同塵安閒休

真文集六卷及道德陰符演黃庭述

譚長真名處端字通正金寧海人著有水雲集

郝廣寧名大通字太古號恬然子寧海人著太古集示教直言

王玉陽名處一寧海東牟人著雲光集

孫清靜仙姑名不二號清靜散人寧海人馬丹陽之婦也

純陽帝君著金丹直指

指玄篇

悟真篇原註五祖七真所遺著之

書今以指明除此之外恐有傍門邪說讀者慎之
昔故降鸞立教頻引孔孟之言與河洛相表裏必代學者積累修
成無愧無忤然後心神寧災厲退內功可成天恩可遇既不幸而
殺身成仁亦自貫虹霓驅神鬼安得盡入深山遊窮海以爲至人
再出耶至於乩符託跡時隱時現不過憫凡夫之愚迷而稍引之
正又安得執塗人而語以幽明之故耶每欲自明其說而無從相
授幸及今日見元皇命真官成此心懺整巾肅容再拜而讀之不
釋喟然歡曰是予之志也孔孟之言習而不行以其言雖在其神
不靈耳何爲入梵宮見神像又輒從而稽顙禱祈此昧心也亦敬

心也反而推之合而行之道在於是玉局之心如此其仁故發而
爲文振金玉挾風雲沁心脾動肝膽易曰觀乎天文以察時變猶
是無言之教也夫敬展卷而作頌曰炳炳鸞書來於玉宸羲文之
秘洙泗之真濯爾魄貫爾神亟關仙尹音夷上老人齊俯首覺斯
民幽疑掃闕萬物皆春

純陽

帝君曰混沌之初未有物先有道既有道既有物道無形物有形

有形之物必載無形之道何物無道何道離物因物命名因名思
義因義知道名歸物物歸義義歸道無名天地之始有名萬物之
母合而言之何物何名何義總括之曰道無道既無物無物既無
名無名既無義道也者在天地未生之道必在天地既生之後道

道德源流

卷一

十八

張家口光明仙壇刊

亦一物也。天地亦一物也。萬物總一物也。一物分萬物也。洪荒初闢。天地生命。萬物生。而人最靈。故易曰。有天地。然後有萬物。有萬物。然後有男女。有男女。然後有夫婦。有夫婦。然後有父子。有父子。然後有君臣。有父子君臣。然後有忠孝之名。蓋人未生之前。漠然無朕。而道在於天地。人既生之後。秉氣成形。而道既蘊於性中。是天地之道。俱在於人身。無有參差偏漏。無有阻礙間斷。舉一身之心思。耳目手足。鼻息脈絡。筋骨宰於心。而發於意。發於意。而形於事。本身一天地也。天地一太極也。太極一無極也。於以知道中不止於忠孝。而忠孝爲行道之始。孝又爲忠之始。忠孝之德。自賦質之時。蜜已具於性中。宜人人爲孝子。爲忠臣。人人爲孝子。則世永

無忤逆之事。人人爲忠臣。則世永無反亂之日。乃天運不常。人心多故。胞胎之時。忠孝之心。渾然焉。嬰孩之時。忠孝之心。猶然焉。及長。而嗜慾惑其心。妻子變其心。財帛搖其心。爵祿動其心。得失橫其心。利害問其心。而忠孝之良能。以盡失其本來矣。使予今日欲世人生。而爲忠孝子。則難。勸世人爲忠孝子。則易。而學。至於人爲忠臣。孝子。則難。勸世人學。而爲忠臣。孝子。則易。至於學之法。當讀書以明其理。持敬以養其心。積誠以動其意。舉念以察其私。獨行獨寢。如君親之臨也。一行一動。如君親之訓也。入而家庭。出而朝廷。竭其力。而不敢自以爲孝。人自稱爲孝。致其身。而不敢自以爲忠。人自稱爲其忠。然忠孝。未有不相因者。古云。求忠臣於孝子

之門。能孝既能忠。能忠必先孝。雖成名各有不同。或以忠顯。或以孝顯。要其理一也。故純忠純孝。非生之聖人而不能。大忠至孝。智愚皆可勉。至所謂純者。全體大德。至精至微。無絲毫間議。天地以道付我。我既以道全。還於天地。天地且賴其參贊化育。其殆聖之神乎。所謂大與至者。就其人段而言。忠行孝德。膾炙人口。天地以道付我。我無愧於天地之道。且有功於綱常名教。其殆賢人以上者乎。神聖不可妄希。賢哲宜爲效法庸常之道。功不求之遠。而求之近。事不取之難。而取之易。同爲天地所生之人。彼則神靈千古。亡則湮沒無聞於此。當大加猛進。欣然改過。每見世之人。學佛學仙。發心發願。苦加修行。一念之不忠孝。仙佛既時棄絕。妄廢其功。

蓋古今無不忠孝之仙佛。無不忠不孝之佛祖。仙佛必自忠孝中來。木有根。水有源。離忠離孝。非佛非仙。余特爲世人指出忠孝之至。可以格天地。可以泣鬼神。可以動風雷。可以致雨雪。可以踏江河。可以開金石。可以化鳥獸。可以感草木。可以遺子孫。可以爲賢聖。可以成佛仙。報應無窮。功德無量。余因作此忠孝之誥。舉此忠孝之神。果有能信心者。朝夕拜誦。熟之於中。見之於事。余必偕眾神臨壇觀聽。以佑斯人。以成善果。以致吉祥。福神長照。災禍不臨。豈不善哉。豈不樂哉。

純陽帝君降諭曰。盤古首出御世。宇宙於是天子。天子者。承

上帝好生之意。統率海內。以育羣黎。以養萬物也。有天子則必有公卿。

百職事之人。奉天子好生之意。以明政教。以肅紀綱也。故上帝知天下之不可一日無君。住持者爲君名。一日無君。則羣盜蜂起。奸宄生心。倫常倒置。強暴吞凌。上不知天。下不知地。中不知人。依然血食木居。依然混沌而無分。必擇一人。畀天下之大任。其祖宗積功累仁。其本身修德行義。而後奮然崛起。名分正。時候至。民心順。歷數歸。

上帝傾心以向之。多方以佑之。艱難以啓之。太陽太陰爲之明。風伯雨師爲之和。河嶽山海爲之奠。麒麟鳳凰爲之遊。五行五土爲之正。八音八律爲之調。而況於人乎。而況於受其職而食其祿乎。然治世者少。而亂世多。賊子多。而忠臣少者。則以天澤之誼不明。君臣

之義不講。僭妄之念不戒。侈慾之行不謹。古人之惡不鑒。古人之善不師。卒之身首異處。妻子爲戮。宗族陵夷。家祀不保者。皆此不忠所致。可勝歎哉。余今爲世人說忠。夫忠一理。而人各途。朝廷之上。各有王侯之忠。有卿相之忠。有臺諫之忠。有師傅之忠。有百職事之忠。宮闈之內。有后之忠。有妃媵之忠。有宦寺之忠。邊疆之際。有將帥之忠。有戎卒之忠。四海之中。有督撫之忠。有有司之忠。有隸役之忠。有士之忠。有農之忠。有工之忠。有商之忠。王侯聞召。卽忠。守地惟謹。則忠。卿相而引登賢俊。變理陰陽。則臺諫而犯顏敢諍。開陳利害。則忠。師傅而格其非心。引以至道。則忠。百職事而各盡已責。勞於王事。則忠。后而夙興夜寐。無干政事。則忠。妃媵而有

寵不驕。小心事。后則忠。宦寺而服飾供御灑掃應接則忠。將帥而義勇奮激行軍分明則忠。戎卒戰而努力居則退屯則忠。督撫而察貪去酷奠寧四境則忠。有司而清理民情禁止奸宄則忠。隸役而勤勞爲念方便爲心則忠。士而敦篤人倫以倡凡庶則忠。農而三時勿失早輸國課則忠。工而朝夕作勤居肆成業則忠。商而有無相易逢關心稅則忠。朝廷不治者。王侯卿相臺諫師傅百職事之不忠也。宮闈不治者。后與妃媵宦寺之不忠也。邊疆不治者。將帥戎卒之不忠也。四海不治者。督撫有司隸役士農工商之不忠。爲忠之事。爲忠之人。難以枚舉。普天之下。莫非王土。率之濱。莫非王臣。不獨受顯爵者當爲忠臣。卽一官半職亦當爲忠。不獨在朝

者宜爲忠臣。卽荒陬海澨亦爲忠臣。說此十七。以勸世人本忠者。聞之而欣然。感世人不忠者。聞之而惕然。懼賊子潛消忠臣。日出宇宙太平。一世治。萬世治。萬萬世治。長治而不亂者。忠爲之也。忠誠大矣哉。

回鸞詩

人間至貴學忠良。覺世身終入廟堂。
美名千古垂不朽。享受俗緣一爐香。

